

摘藻堂四庫全書薈要

史部

欽定四庫全書薈要

史部

硃批諭旨卷二十三上

詳校官編修臣繆晉

欽定四庫全書薈要卷七千九百四

史部

硃批諭旨卷二十三上

硃批黃炳奏摺



康熙六十一年十二月初四日護理山東巡撫印
務按察使臣黃炳謹

奏為奏明事竊臣一介庸愚蒙

先帝泰養深恩不次擢用由筆帖式數年間歷陞山東按

察使

國恩深重雖捐糜頂踵未足仰報萬一今恭逢

聖主臨御方新凡闕

國計民生罔不上厯

睿慮臣在東日久地方諸務敢不竭力以効涓埃之報
查本年登萊青三府自入冬以來雨雪調勻二麥
俱已下種濟兗東三府雖雨雪稍遲近據各屬俱
報得雨雪現在補種春麥地方俱各安靜惟因六
十六十一年東省天時亢旱二麥失收荷蒙

先帝特沛洪恩緩徵賑濟所有六十年地丁錢糧未完七十餘萬兩現今

奏銷期迫其不及分數各官臣自當另行查叅聽候部議外但恐各官自顧考成嚴行追比徒事刑敲終屬無益可否緩徵或帶徵容臣隨

奏銷另疏

題報伏乞

聖主睿斷批示遵行再前任布政使王用霖任內因公

那用過庫銀四十九萬餘兩經前撫臣李樹德保
奏濟東道程光珠署理布政使情願限年補完蒙
先帝俞旨著交該撫將此項那用銀兩務於二年內補完
欽此欽遵在案後又續查出因公那用銀十三萬
餘兩時李樹德因已經摺

奏不敢又瀆

宸聰原擬同前項那用銀兩一併設法彌補今臣查已經
奏過者補完銀二十三萬七千餘兩未完銀二十六

萬一千餘兩並續查出未經

奏明銀十三萬餘兩臣再四思維若據實

題報不惟與

先帝二年彌補之

恩旨有悖且與錢糧究無裨益若竟朦混報完則

聖明洞燭之下且欺罔之罪實所難辭伏念

國帑關係重大既已悉知敢不據實

奏明為此謹

奏

向日聞爾聲名頗好覽奏地方年歲情形錢糧虧缺緣由甚為脩悉周詳朕今擢用爾為山東巡撫爾當追感皇考深恩竭力効忠以圖報稱但東省諸事廢弛已極必須加意整飭盡心釐剔務令地方大有起色方不負朕委任之意也

山東巡撫臣黃炳謹

奏恭請

皇上聖安

朕安

知府李元龍係貪官李國亮之子竊位登守家私百萬而猶婪贓不已且與李樹德聯宗相昵通同虐害百姓此等不肖之員當一面拏問一面糾叅將伊財產追出以養窮黎地方冤抑之氣庶可少伸爾絲毫毋得瞻徇向日情面謝絕一切請託嚴行搜查從重究擬以為貪黷者戒特諭

雍正元年正月二十五日山東巡撫臣黃炳謹

奏竊臣查得分貯監穀一案自康熙四十五年開捐
起至五十三年停捐止共收穀三百一十一萬一
百六十石經原任撫臣蔣陳錫

此

事

朕所深知者

題請分貯各道府州縣衙門備賑每穀一石折銀三
錢令各官領銀自行買穀貯倉臣查開捐之時所

收官生穀石每穀一石折銀一兩共計折收銀三
百一十一萬一百六十兩除分貯各官每石折銀

三錢各官共領過銀九十三萬三千四十八兩尚
該餘銀二百一十七萬七千一百一十二兩俱為
蔣陳錫鯨吞蠶蝕伏思積貯米穀原為賑荒備用

今蔣陳錫營運回家為人所共指而共目者應請

具本奏

聖主乾斷於蔣陳錫家產追出百餘萬兩解貯司庫撥

充兵餉再查監穀銀兩各屬均有分貯除因地方
災歉奉文撥賑實在無存者不議外其餘確係虧
空並存剩無幾者容臣逐細確查統歸於虧空案

內另行

奏報再查現任湖北驛鹽糧道許大定前任充寧道時將分貯監穀銀兩任意侵用其虧缺之數於交代時抑勒宋基業接受已經出有印結但宋基業現已被叅向伊嚴追恐終與

國帑無益查該道分貯倉穀七十一萬石零除叅過霉爛借給窮民及現在存倉穀石併穀價銀外尚缺銀五萬餘兩容臣確查是否實係許大定名下

應追之項另行查追再有效力河廳吳近宸前曾
借欠許大定銀三萬兩許大定亦將此項借券抵
作虧空現據吳近宸還過銀八千四百兩尚欠二
萬一千六百兩臣受

聖主隆恩惟知

國帑為重現在分咨湖廣巡撫併總河嚴飭該員等
將從前欠項速來清理如果楚結則不必深求倘
即不抗延仍留在任必致貽累湖北百姓此等不肖之
抗延玩忽臣即

員

何可站息亟應題恭令其解任來東清理虧項
題叅暫行解任令其來東清理庶庫項不至虛懸抑

臣更有請者所有分貯各屬監穀銀兩若令其照

數買穀貯倉現今時價騰湧民間粒食艱難實亦

無處可買勢必又累小民以臣愚見莫若將此項

具題

請旨候朕裁奪
銀兩盡行提解藩庫撥充兵餉以杜侵欺之弊亦

免小民賠累之苦為此一併奏

聞伏乞

睿鑒批示遵行謹

奏

所奏俱悉

同日又

奏為遵

旨奏明事雍正元年正月十七日臣齋摺家人回省恭
捧

上諭到臣叩首開讀仰見

聖主恩靡不周德靡不遍雨露與雷霆並用懲姦與防

樊熯施前臣摺

奏東兗兩屬荒歉小民困苦情形併請截留漕米一

事蒙

恩諭動用倉儲遴選賢員確查乏食窮民分頭賑濟務
使均沾實惠至隣省流移之民亦宜一體撫恤煌煌
諭旨臣自當欽奉遵行因查所屬存倉米穀寥寥無幾

臣謹仰體

賑荒宜速並應如是

皇仁暫動藩庫銀兩委員會同各該地方官確查乏食

窮民分頭賑濟並遇有隣省窮民亦即一併撫恤
再請截留漕米一項

諭旨甚明臣應候

題覆

允准遵行查各屬漕船現在開幫北上若令其停留候
旨恐致遲延有悞漕糧是以不揣冒昧先於德州水次
截留十萬石分貯沿河各州縣以備不時需用臣
現另具疏

題明伏乞

睿鑒再知府李元龍居官婪贓虐民臣伏讀

諭旨仰見

皇上至聖至明洞燭幽隱時時以吏治民生為念臣於

十七日奉到

密諭適該府於二十日至省稟見當即傳集布按二司
當堂鎖拏發交按察使監禁現在

題叅請

旨革職嚴審將李元龍詐害贓私盡行追出並侵欺錢糧追補庫帑然後請

旨將李元龍正法以為貪黷者戒再登州逼臨大海為登守一缺已選有賢員補用矣向後遇有緊要缺出爾五方雜處之地知府一官必得才堪肆應辦事明敏之人方可勝任伏望

皇上簡選賢員補授俾臣得收臂指之效再查濟南府仰賴

皇考聖

屬之歷城等州縣於本月十八二十等日得雪或

二寸三寸不等又兗東兩屬州縣得雪或四寸五

上蒼垂

寸佑方有此瑞雪也不等麥苗甚是有益合併奏

聞謹

奏

覽

雍正元年三月十七日山東巡撫臣黃炳謹

奏為遵

旨保奏事竊臣叨蒙

聖主隆恩惟恐有負

知遇故於屬員賢否不拘常格前經據實

奏明仰邀

聖明洞鑒矣茲有濟東道程光珠陞任員缺應否將臣
前奏之東昌府知府吳興業補授吳興業員缺應
否將前奏之海豐縣知縣湯豫誠補授東昌府同
知吳應臨捐陞員缺應否將前奏之樂陵縣知縣
王協燦補授益都縣知縣吳昂被叅員缺應否將
前奏之泰安州吏目趙綸補授茌平縣知縣馬斯

良病故員缺應否將前奏之譚城驛驛丞沈一正
補授以上各官於例雖皆未符論銜亦有越等臣
何敢輕為瀆

奏但人才難得臂指攸資伏見

聖主御極以來用人無方不拘資格為此遵

旨保奏伏祈

睿鑒施行謹

奏

吳興業等俱照爾所請補授

督糧道佟世祿革退員缺已將余甸調補余甸員缺將
徐湛恩補授矣

同日又

奏為據情請留賢將以重地方以裨漕運事竊臨清
一協當水陸要區彈壓地方催趲糧艘必須得人
為要今該協副將黃元驤奉部調陞廣西梧州協
副將臣因導

旨挑濟運道查閱河干據所屬兵民稟稱該協平日辦事為人俱好兵民相安等語臣目擊愛戴情形不敢壅於

上聞可否准其以陞銜留任出自

聖主睿裁謹

奏

據奏黃元驤與地方兵民相安著以陞銜留任可也

雍正元年四月初三日山東巡撫臣黃炳謹

奏為請補賢能郡守並酌調繁簡以收實效事竊查
濟南府知府張振偉捐陞員缺臣昨閱邸報見部
選現已有人伏望

皇上俯念濟南地當省會事繁倍於他郡於其引

見時

聖明睿鑒果才品超羣自可勝茲劇任倘或人地未宜

用賢

無方果係奇才異能自可不拘資格但爾東省恐

未必有

此賢員以縣令而遽擢為郡守寧不超越耶

邑縣知縣何多學辦事勤慎為人老成館陶縣知

縣楊一正辦事去得為人坦直伏乞

皇上於此三員中

欽點一員補授濟南府知府再青州府知府陶錦題叅

員缺地方緊要亦望

於地方事務稍暇之時將此三員送部引見或陸續單

皇上即於此三員中點用一員補授於

咨或令其同來俱可

國計民生實有裨益再調補一事臣察其邑務之繁

具本題奏

簡視其吏才之短長因地制宜查有禹城縣知縣

邵宗應與黃縣知縣盧承綸調補壽光縣知縣吳

暄應與壽張縣知縣陳從善調補滕縣知縣張觀
海應與平陰縣知縣顧彩調補一轉移間於地方
實有裨益為此繕摺請

旨伏乞

睿鑒施行謹

奏

覽

雍正元年四月二十二日山東巡撫臣黃炳謹

奏為奏

聞事本年四月初七日酉時忽有狂風自西北而來沙
起自何州何縣幾里寬廣並未詳細查明率爾陳奏似
土飛揚捲刮田禾至成時方止臣委高唐州知州
覺疎漏

黃廷鈺逐一確查去後據稟高唐州等處沙瘠之

地田禾多有損傷黑土之地無甚大礙惟搖動麥

穗收成不無少減俟得雨後已傷者尚可補種等
詳閱所奏不過小事賊風為災亦往往有之然所過之

語臣隨委員詣泰山頂廟祈禱雨澤併傳諭被災
處寬狹不等斷未有至幾州幾縣之理所慮者目今麥

各州縣查有窮民無籽種者即行捐給併將新舊

穗將

熟或被括

落顆粒

耳當查明損傷確數

臣按

細查再

錢糧

一概

緩徵至

於應否賑濟之處

容

臣

細查再

總歸

於前次賑濟數內可無庸另行具題也

為斟酌舉行再高唐州知州黃廷鈺已經推陞

盛京員外查該州地方適被風災保釐撫恤正在需

人以臣愚見或令該員仍留原任照舊辦理地方

事務謹繕摺一併陳明謹

奏

將黃廷鈺具本題留可也但其居官賢否若何未據聲
明既經題留汝當極力勗勉令其勤慎供職

雍正元年五月初四日山東巡撫臣黃炳謹

奏為恭報得雨日期事竊查五月初二日夜省城得
有雨澤於近城地方臣差人查勘入土五六寸不
等俱已霑足又據濟東道吳興業稟稱高唐州等
處俱於初二日夜得雨透足所有窮民俱已給與
粒種現今補種秋禾又據泰安州平原縣濟陽縣
蒲臺縣青州府所屬安邱縣等處報稱俱於初二
日夜得有透雨再據署布政司事程光珠報稱原

兗州

所屬曾否得雨

任撫臣李樹德於五月初一日又解到補庫銀四
李樹德等欠項除已交庫外未完之數尚少若干查奏
萬兩已收貯庫連前共收過補庫銀二十四萬二
以聞

千兩合併奏

聞伏祈

皇上睿鑒謹

奏

覽所奏得雨情形深慰朕懷高唐州等處窮黎及此時
雨補種秋禾皆爾撫恤得宜之所致也爾前禱於泰嶽

今即有甘霖之應可見人神交感之理分毫不爽自茲爾可不更加誠敬歟勉之

雍正元年五月二十四日山東巡撫臣黃炳謹

奏為清查庫項據實陳明仰祈

睿鑒事竊臣查李樹德已完銀二十五萬一千餘兩尚有未完銀十四萬九千餘兩而王用霖之家屬至今尚無分釐完解伏乞

皇上嚴諭該都統將李樹德王用霖之親近家屬發往山

東令

其清完庫帑

完納以清庫項

再查藩庫內有李樹德任內借支

支借

何至如許之多

將緣由

詢問

李樹德

奏覆

——

兵餉銀一十二萬三千餘兩

此皆係窮苦兵弁一

時難以追償

今於每季放餉時陸續扣除

又有墊

發軍前効力運米各官盤費銀三萬七千餘兩

原

係通省州縣情願公幫之項今仍催各州縣上緊

補還又有各官借領銀四萬五千餘兩地方公務

那用銀二萬六千餘兩其借領者現在嚴催原借

之本人清還其那用者雖係前任之事臣亦何敢

朱批諭旨

推諉今與佟吉圖程光珠等竭力籌畫務期陸續
補完又有本年奉

旨賑濟災民挑挖淤淺并從前李樹德任內建築河堤
各項共用銀二十七萬四千餘兩此俱係應行
題銷之項現在催令各屬備造清冊分案具

題此藩庫之已經查清而無餘弊者也伏查目今
奏銷期屆而藩庫內尚有未完前項銀兩若作實在
存庫

題報是臣之欺

皇上也臣斷有所不敢若作各員之虧空

題報是臣之冤屬下也臣又有所不忍倘得寬限一
年便能逐款清楚不致少有虧缺除將目下不能
奏銷緣由另疏

題請展限外但恐部議格於成例不准所請合先具

摺

俟爾展限本到另諭該部准行

奏明伏候

皇上乾斷特賜俞允又查各州縣錢糧統計自康熙四

十八年起至六十一年止各州縣丁地共虧空銀

已交

發總

理事務王大臣并張廷玉史貽直李紱嵇曾

六十餘萬兩府州縣倉穀共虧空九十餘萬石但

鈞等

公司會議矣俟議到朕再為酌定

此中有陞遷事故而留交後任者有現在陞任而

未經交盤者有身任職守而挪移缺額者皆由從

前之上司不能實力稽查以致輾轉虧空今蒙

皇恩浩蕩令其三年補完臣請將各員之虧空無論新

舊多者限三年次者限二年少者限一年務期如

數全完不令絲毫缺額若已陞而現任他省之員殊難甘心代賠使其脫然事外似應著落伊等現任之地方追賠庶無倖免若現在已陞及將來應陞而未赴新任者似應仍留本任限年勒追全完之日再行陞轉如此則州縣之虧空俱有著落而漸次可復還原額矣如果臣言可採容臣另疏具題請

旨遵行謹

奏

此事不必另疏題奏朕已將爾所請發議矣爾但殫心竭力督令補苴倘遇牽制難行處仍具摺密奏可也

同日又

奏為恭報地方情形仰慰

聖懷事竊查東省於五月初二初四初五初九等日得雨二寸三寸五寸八寸不等遍查通省只有濱州等四州縣尚未得雨再青州府屬之臨朐縣連年

失收小民艱於粒食臣於

陞見時蒙

皇上諭令加意撫恤臣回署後撥給穀八千石令該縣

酌量借給今於五月初三四等日甘霖大沛入土

甚好

大慰朕懷

尺許又於十六日得雨三寸小民既有耕種之資

俱可盡力南畝矣再臣遵

皇上面諭委濟東道吳興業攜帶藩庫銀三萬兩赴高

荒歉

之後得沾雨澤

不啻饑渴

之得飲食

如獲秋成

惟

唐州等處酌量給助適幸時雨遍霑皆得及時補

以手

如額為吾民稱慶也
種將來雨暘時若可望有收又前蒙

諭旨五六兩月小民餬口艱難務須賑濟方好今臣行

通融

酌劑是

令六府確查各屬中果有難以度日窮民其有倉穀者酌量借與倉穀無倉穀者借與穀價再查從

前泗水等處十一州縣被災尤甚蒙

諭發帑賑濟大沛

但宜實陳不可絲毫粉飾

恩膏故流亡復集民困重甦其他屬中之貧無籽粒者

臣已遵

應_口給與_{是料理}籽粒並量行借給倉儲抑臣更有奏

聞者糧道余旬不諳大體每見乞食窮民施給錢二三
余旬未免近於迂腐殊為可笑

十文冀收美譽鄰近州縣風聞此舉遂假稱逃荒

為名百十成羣咸赴該道衙門求賞成何體統臣

可謂

止所當止

據理

一聞此信遂令該道中止但德州為南北要路恐

傳聞不確有厘

而行何憚物議朕之耳目豈易為人熒惑耶

聖懷理合奏

聞再查

恩科武闈六月舉行例應初七日開考臣因時當盛暑
今定於初一日開考每日早晚較射日中停止俾
時日少寬得藉早晚之涼爽從容試技有長畢獻
臣於

題本內仍填初七日開考以符定例合併奏

聞伏乞

睿鑒謹

奏

武闈起於初一日試技即據實題奏亦無不可何故因
小節而涉虛誣嗣後似此等事切不可所行與所奏致
有異同以滋衆論特諭

雍正元年六月初一日山東巡撫臣黃炳謹

奏為秋禾望雨正殷甘霖及時普降恭慰

聖懷事竊臣遍查闔省補種秋禾前雖得雨尚有未經
霑足地方臣思

泰山為五嶽之尊

岱宗乃東皇司命而泰頂

碧霞元君聲靈赫濯護

國庇民臣於五月二十六日親赴泰頂薰沐齋修祈
禱雨澤仰荷

皇上聖德感孚休徵立應即於二十七日大降甘霖徹
夜滂沛附近泰安各州縣雨澤霑足入土或八寸

及一尺不等臣回省一路經過各州縣地方親見
甘霖大沛深慰朕懷至誠未有不動者爾能如此虔敬
禾苗勃發查歷城縣得雨一尺四境霑足至他郡

所以致歉靈之感應也當益加凜惕毋稍縱逸且爾年
所屬因路途少遠俟報齊之日另行奏
聞以慰當少壯百凡尤宜戒輕躁不可以血氣自用勉之

聖懷再查運河水源俱係泰安一帶泉脈濬歸汶河流
入運道以濟漕艘今臣親見泰山萬壑爭流俱歸
汶河匯入運道想近日水勢增長可無煩

聖慮也為此謹

奏

朕命部院堂官二員前往封閘看水同爾籌畫運道至

賑濟一事亦遣官二員來協助料理爾等宜同心協力
經理漕運并加意賑恤災黎務期不至失所以副朕懷
內博爾多者乃朕藩邸舊人因其人猶老成故差來同
爾審李元龍之案博爾多未到之前毋得預為宣露慎
之特諭

雍正元年六月初二日山東巡撫臣黃炳謹
奏為伏請

聖躬稍節哀思以慰臣民事本月初二日臣驚聞

皇太后於五月二十三日

賓天臣五內崩摧哀痛靡已竊臣蒙

皇上殊常

恩遇有逾家人父子伏知

皇上至仁至孝盡禮盡哀孺慕之殷無時或釋惟是我
皇上為

祖宗

社稷所憑依為天下臣民所託命總攬萬幾所關甚重伏

望

節哀忍痛珍重

聖躬則率土臣民實所嘉賴再臣脩員巡撫茲聞

皇太后哀訃分應奔哭

梓宮並匭請

聖安山東密邇

神京往回不過十餘日所屬地方比來甘霖普降民
情帖然一切事務沿途亦可辦理不致有誤叩乞

聖慈允臣赴京俾臣分稍盡則臣心稍安矣臣不勝哀
懇待

命之至謹

奏

所奏已悉官守任重不必來京一切諸務於謹慎中更
加謹慎勿因地方得雨心遂放恣邇來東省疲敝已極
非勤苦三年不能復其元氣也勉之勉之

雍正元年六月初八日山東巡撫臣黃炳謹

奏為敬陳窮民苦累請照按地攤丁以甦積困事竊
國家惟正之供原有地丁兩項丁自為丁地自為地
本不相涉也惟查各州縣中往往有田連阡陌而
全無一丁者有家無寸土而承辦數丁者窮民在
豐稔之年已難措辦設遇歉收之歲更無力輸將
此東省之民所以易去其鄉而不顧也臣訪知浙
省丁銀俱隨地辦納有地則有丁無地則無丁苦
樂均平誠為善政今請將東省丁銀援照浙省之

例攤入地畝輸納其中裒多益寡務期斟酌盡善
仰祈

皇上勅部查議如果臣言可採并請通飭北五省一體
遵行則窮民之苦累永除而感沐

洪恩永垂不朽矣是否有當統候

皇上睿鑒施行謹

奏

攤丁之議關係甚重豈可草率從事爾將一省內之刑

名錢穀案件循規蹈矩一一秉公料理尚恐有所未協
何得於事外越例搜求况賦稅出自田畝連年北五省
率皆薄收正供維艱何堪再有更張之舉觀爾近來所
奏每多涉於孟浪朕正當大事在身爾自應惓惓以節
哀為請方合臣子之誼乃毫不關切並無寬慰婉辭將
此等變易舊章之奏冒昧瀆陳殊為無知之甚今後宜
謹慎小心於地方諸務兢業遵守倘再有差謬斷難為
爾姑容也

雍正元年六月十一日山東巡撫臣黃炳謹

奏為奏

聞事竊臣據兗州府通判陸允欽報稱本月初八日山水驟發運河水勢急溜沙灣子堤被水衝開一處等情到臣臣查此堤原係運河緯道前因黃沁水

決即開此口放水水退之後已經堵築完工今因

究因

當日堵築不甚堅固

所以易致衝決

山水驟發而此堤復被衝開由鹽河歸海幸與民

田無害目下天氣晴明便可興工堵築復聞河臣

齊蘇勒布政使佟吉圖俱詣沙灣決口處所查看
復思齊蘇勒久諳河務佟吉圖辦事勤慎自能料
理妥當至應用工料銀兩臣已行知佟吉圖令其
就於挑河存剩銀內動支修築合併奏

帑金

寧使有餘無用而不備之虞

聞謹

奏

知道了河工修築機宜不可自作聰明一切俱聽齊蘇
勒調度但將錢糧及夫料等項預備充足不致遲悞汝

即可告無過矣奏摺不宜與河臣參差汝二人意見符合方期成效脫有異同朕亦必在齊蘇勒處畫一也特諭

總理事務王大臣庶親王臣允禩等謹遵

旨議得山東巡撫黃炳所奏各州縣虧空錢糧約計地丁共六十餘萬兩倉穀九十餘萬石分別追賠具奏前來查東省虧空已蒙

皇恩令其三年賠補其身任職守而那移缺額之員

應如該撫所請酌量數目之多寡定其賠補之年限多者限三年次者限二年少者限一年務期如數全完仍令該撫將虧空各官所欠銀米數目及勒完年限逐一分析奏明如逾限不完將虧空之員從重治罪其巡撫以下督催各上司一併嚴加議處照定例分賠其現在已陞及將來應陞而未赴新任查出虧空者亦應如該撫所請停陞留任亦令該撫奏明虧空數目及

勒完年限如能限內全完准其開復陞轉如逾
限不完從重治罪其督催各上司亦照定例議
處分賠其有陞遷事故而留交後任者據稱已
陞而現任他省之員應著落伊等現任地方追
賠等語查定例錢糧虧空惟於出結之官是問
該員既有虧空該管上司因何不行查叅接任
官因何不行揭報令其前赴新任苟非上司受
賄寬縱即係後官徇情擔任責無他諉罪有攸

歸若因一省而牽連他省恐滋煩擾况丁憂事

故離任之員又將何從追補應令該撫查明如

係有抵之項令後任出結之官勒限全完如係

無抵之項該管上司勒令後任官收受交盤者

應令抑勒之上司與出結官照數分賠逾限不

完均照例治罪其虧空州縣倘有不肖之員混

稱民欠額外加派貽害地方者該撫據實查叅

如通同徇隱將該撫一併從重治罪其或有欠

在民者應令該撫查明實數分別緩徵帶徵確
議另行具奏務期三年之內徹底全完以仰副
皇上格外施仁體恤官民之至意謹

奏

汝所奏各州縣虧空一摺據王大臣等逐款分別議覆
朕再四躊躇不便發出何也朕原有旨凡虧空官員不
許在任設法彌補恐其借端累民今汝奏稱若概行叅
追雖粉骨碎身不能追完等語是必將本人仍留在任

方能賠補但仍留在任而又不剝削小民其填補之資究從何出此朕之所未解即王大臣等議覆亦難允行也故將此事暫且按下並未宣之於部如果不累小民而虧空既可清完伊等功名又可保全係全義之事朕何靳而不為總在汝善為設法行之但不可公然陳之於章奏耳假若借此少有煩擾百姓或捏作民欠致生種種弊端則將來罪歸於汝也慎之慎之其已陞他省各員著落伊等現任地方追賠之說尤不可為訓在本

省者朕尚恐累及編氓何可因汝山東虧空之故滋害
於他省百姓豈朕勤恤民隱之政耶但當查其虧空果
有真實憑據不妨遣人往詢本人若係應賠者彼自無
不願賠以全其功名倘不肯認賠莫若叅革離任以正
其罪為是即類此者亦必確查其拖欠數目之多寡指
名奏聞然後方可見之施行至汝所奏虧空銀六十萬
兩糧九十萬石究係何州何縣某人名下若干之處均
未明晰再李元龍等數員貪吏今作何處置亦未見汝

奏到先將大槩情節約畧具奏以聞特諭

雍正元年六月十九日山東巡撫臣黃炳謹

奏為覆

奏事臣齋摺家人回東恭捧

御批各摺臣跪讀之下仰見我

皇上睿慮周詳無微不至臣所奏虧空銀六十萬兩

糧九十萬石此指通省各屬而言也現在設法漸

次彌補其中款項繁多頭緒紛雜無庸分析瀆

奏其餘

御批事宜臣仰體

皇上訓旨敬謹遵循務期妥協所有

批摺并總理事務王大臣議覆奏摺理合一併恭繳伏

祈

睿鑒謹

奏

雖云虧空欸項頭緒紛雜無庸分析瀆奏但汝前摺奏

稱著落已陞他省各官追賠之語究屬朦混不特別省
恐滋擾累且嫁禍於無辜之人情理亦甚不合向後類
此等事當脩細斟酌周詳籌計毋得率意自恣也慎之
同日又

奏為欽奉

上諭事竊臣准部咨開奉

上諭議令將江西尾幫船糧截留二十萬石在東省分
貯府州縣地方酌量備用仰見我

皇上軫念民瘼加惠元元至意第查此米易於紅朽又

兼東省民間食用俱係小米從不買食南方大米

既不能應用

即備細聲明具題不必裁留可也

易米之

舉徒

滋弊竇

若留以分貯必致霉爛且不能應用莫若將此二

十萬石之大米易為東省應解之小米俟本年收

兌漕糧時飭令有漕各州縣於應解數內均勻截
留分貯備用一轉移間則救荒有備霉爛無虞可

否

允准伏祈

皇上睿鑒施行謹

奏

截留本省小米之說似是而非斷不可行此不過借以
為彌縫虧空之計耳與小民無益閭閻饑饉之餘草根
樹皮尚將餬口何有大米小米之分耶

山東巡撫臣黃炳太僕寺少卿臣須洲戶部郎中
臣博爾多等謹

奏為覆

奏事臣博爾多等至山東省城即將柯喬年條奏密摺并

硃筆諭旨俱面交撫臣黃炳並宣傳面奉

諭旨訖臣黃炳竊查柯喬年條奏內云入境數百里未經種麥等語查柯喬年往來經由之處惟德州以至省城一帶該地方不過收成歉薄並非未曾下種此言似屬過甚東省連年歉收小民窮苦是實目今甘霖普降田禾暢茂將來秋收大有可望況

六十年未完錢糧臣已

題請分年帶徵而六十一年民欠錢糧雖未具

題臣已飭令緩至秋成後徵收柯喬年條奏內云萬
姓嗷嗷命懸旦夕果如所言則延今數月生民之
死於溝壑者當不知凡幾矣過情之言不應於
君父之前冒奏也且

皇上重念東省小民積困之後已經動帑賑濟挑河寓
賑截漕平糶助給籽粒今又恐小民乏食

諭令截漕備賑是

皇上時刻以民瘼為念臣何敢不仰體遵循臣等會議除登萊二府屬麥收頗好無庸賑濟外其濟兗東青四府所屬州縣衛所槩行查賑計戶口之數目以定賑銀之多寡仍遵

旨先動藩庫銀兩俟賑濟完日勒令李元龍等三人補項所有臣博爾多等到東議賑情形合先會摺奏聞抑臣黃炳更有

奏者東省現在賑濟需人料理今有東昌府屬之臨

清州恩縣濟南府屬之德州俱已缺員查原任濱

州知州徐石麟今陞廣西思恩府同知原任掖縣

知縣陳留武今陞陝西葭州知州原任堂邑縣知

縣盧承琰服滿候補可否將徐石麟以同知管臨

清州事陳留武對品補授德州知州盧承琰補授

恩縣知縣令各辦理賑濟事務庶免貽誤俟賑濟

完日仍令各赴本任盧承琰仍令候補為此合併

附

奏請

旨定奪伏祈

睿鑒謹

奏

總理事務王大臣會同吏部速議具奏

雍正元年六月二十五日山東巡撫臣黃炳謹

奏為自陳罪戾恭謝

天恩事竊臣齋摺家人回東蒙

皇上批諭

因汝奏請節哀

哀之摺朕一時遺忘所以誤降嚴諭責汝

訓詞嚴切開示周詳臣跪讀之下汗流浹背語不宣心

隨經檢出原摺朕心已明汝復何罪之有前諭既付之

當我

子虛矣汝宜慶幸無庸懼為即此可見朕有過不諱事

皇上深墨含哀之際臣愚昧無知以地方不急之務冒

事益當坦懷敷陳不須疑慮也但不可逞臆舞智涉於

瀆

孟浪一切以公慎二字自持庶不致有錯謬耳

宸聰此即嚴加重譴亦實允宜茲蒙

皇上天地為心包涵曲宥臣惟有且感且愧劄奏將來

非將

來改悔之事此

臣

語謬甚况朕躬更無此等

大事矣

爾誠

可謂不學無術

闕恭請

今歲

不必來京如有面諭之事自當召爾入覲

聖安以伸孺慕再目下修河一事所有河工應用物料

人夫臣已遵

旨催脩齊足移交河臣上緊督修定自無誤再奉

御批沙灣決口究因當日堵築不固所以易致衝決臣

此事

齊蘇勒已經奏汝亦不當為修吉圖徇隱也

查河堤去歲係交管河通判陸允欽承修原未堅固是實今特繕摺齎

奏伏望

皇上慈鑒恩宥謹

奏

覽

雍正元年七月初十日山東巡撫臣黃炳謹

奏為覆

奏事竊查東省自甘霖霑足之後各種糧價每石遞減二三錢不等今新米已經上市至七月二十日

內外各種田禾漸俱收穫價值必又大減今伏雨
時行豐登可卜民皆欣欣相慶如此方為太平景
憂色為歡顏矣再張秋子堤決口所有合龍日期
既經河臣奏

聞臣無庸再為煩瀆再蒙

皇恩截留江西尾幫漕米二十萬石臣前將不用截留
情由奏明

聖鑒蒙

硃批既不能應用即脩細聲明具題不必截留可也欽

此臣已遵

旨另疏具

題在案所有差來員外郎五格暨隨來筆帖式多人
漕米既不截留伊等在彼何事當速傳旨令其回京
在省居住誠恐多事可否令其即便回京合請

聖裁其散賑一事臣會同博爾多等已於六月二十三
日公同驗發藩庫銀二十三萬四千兩分委各州
縣前往散賑俟賑完之日另疏

題明再臣前奏東省虧空銀米一案原指通省所屬
而言也有係現在供職而虧空者亦有已陞他省
而實係原任虧空者查一百零四州縣中求其實
無虧空者止有數處臣現在設法漸次彌補查各
屬原有大耗一項從前所收加二五加三不等臣
前於

陞見時曾經奏明

聖鑒今仰體

皇上體恤臣下并愛養民生至意通盤打算量加核減
除每年留給通省各官養廉外餘剩若干儘數補
項即以其本來應得之規補其原額虛懸之項如
此三年內庶幾漸次彌補矣至其已陞他省者臣
遵照前

奏請

聖裁題叅追解庶人人知儆

國帑可免虛懸矣為此具

奏伏祈

睿鑒謹

奏

已陞他省各員朕屢經批示爾何仍執此說當日既虧
空未清何以交代令其脫然往赴新任其中或有上司
逼勒後官接受情由即應查出向其上司追究然後拔
樹尋根追及本人則可若如此含糊叅追殊失溯流窮

源之道當仍遵前諭且遣人往詢其虧空緣由并願甘賠補與否如有狡賴不肯認賠者爾指名密奏以聞朕自另有處置

同日又

奏為

奏明事臣接准工部咨開王大臣奉

皇上面諭行文巡撫黃炳將佟吉圖余甸陸允欽俱各拏送齊蘇勒處會同嵇曾筠嚴審議罪具奏欽此欽

遵臣即將佟吉圖等逐名嚴拏隨於初十日差員
管押解赴齊蘇勒處聽候會審伏思我

皇上德同天地明並日月凡屬臣工俱在照臨之下何
庸臣之瀆

奏但臣受

恩深重非比尋常既有所知又何敢緘默不言致蹈欺
隱之愆竊查佟吉圖屢蒙

皇上天恩歷陞藩司自到東以來臣看其辦事抗拒上司輕還係勤

忽運

道

慎凡關鐵糧之事尤加慎重

國計民生

惟於河工事務原未

又不

諳練

將總

大

以致河臣所交之事視為泛常則其疎忽之

膽大

咎實所難辭惟是身受

格外

聖主知遇隆恩斷無不思力圖報効仰答

所以

高深反背自甘暴棄致罹重譴此又難逃

天網聖明之所洞鑒者也總之我

皇上覆載深恩包涵萬類

舉錯無私賞罰得當

臣是以不揣冒昧據實欽服

終吉圖

奏明再臣與齊蘇勒共沐

天恩畀以封疆藩泉重任皆係受

恩深厚之人所有一切公務俱當協力同心和衷商酌

以期地方有益不宜少存臆見之私致負

皇上知遇之恩也併

佟吉圖所以如此

奏明統祈

睿鑒謹

奏

佟吉圖所省堤口錢糧之數較之楊宗義捐助河務及

德音匿災不報所省之數未必過多也一句為錢糧一句慰聖懷此二語即足以喪其軀矣魯論赦小過虞書宥過無大恕其誤犯也若至如此有心之大過何可因其勉効數月之微勞遂相抵釋耶自既不諳河務而又逞其胸臆違抗上官此端一開凡外任大臣如何代朕經畫封疆重務是非曲直一審自明設與齊蘇勒所叅之處不符則佟吉圖原為無罪之人若所叅俱實朕必將伊正法以為狂妄無知越分膽大者戒不然朕與佟

吉圖寧有向日之私誼乎何故因伊而啟天下懷疑竊議之端內外臣工凡受朕格外簡拔之恩者皆當恪勤奉公還朕一是字方可免自暴自棄之咎天難諶命靡常朕雖不敢言能法天亦不敢違天朕不作孽於人若人自作孽則安可屈法以逭之

雍正元年七月十四日山東巡撫臣黃炳謹

奏為奏

聞事竊臣准吏部咨馬營復決黃水勢必衝突張秋之

沙灣請

敕臣親往張秋作何保固運道作何催趲糧船聽臣相機料理自行奏

聞奉

旨是等因到臣欽此欽遵查得河南馬營口潰決黃水並未流入東省而運河水勢亦甚平穩糧船正可遄行臣已委濟東道吳興業臨清協副將黃元驤等在沿河一帶稽查催趲不許片刻停留其沙灣

子堤決口雖已經合龍恐有未堅關係運道已委署布政使須洲前往張秋查勘今准部咨

特命阿克敦江球前赴張秋會同臣查勘水勢臣因

恩科武闡監臨主試未敢擅離俟武闡事竣臣即赴張秋遵

旨料理為此謹

奏

前因黃水衝決馬營恐患及沙灣一帶故命汝親往相

機料理今既平穩無事張秋之行可以中止汝援朕諭
旨聲明緣由復部可也

雍正元年七月二十四日山東巡撫臣黃炳謹

奏為恭

進瑞穀以昭

聖治事竊臣據濟南等六府呈稱東省地方自仲夏普
降甘霖之後雨暘時若秋禾暢茂雙穗之穀處處
挺生用敢採取敬

獻伏乞轉

達等情到臣臣伏思我

皇上御極以來宵旰憂勤無時不以天下蒼生為念是
以

精誠格

天嘉禾誌瑞理合據情轉

達進呈

御覽仰祈

睿鑒謹

奏

此誠

天地神祇並

皇考聖靈垂佑之所致也今歲北四省之豐收實出望外
朕不勝慶幸之至亦必爾等封疆大吏治理有方始克
睹嘉穀之祥念茲感應神速當愈加勉力勤修職業以
仰答

天庥特諭

同日又

奏為覆

奏事竊臣前奏佟吉圖一摺欽奉

硃批跪讀之下仰見

聖明如天無微不至臣實識見短淺惟有惶悚無地而
已其截留漕米之司官等臣即傳

旨伊等已於二十四日起程回京又蒙

殊批教訓臣自知不學無術公慎二字惟時刻謹記在心再查郟城縣嶧縣地方偶有飛蝗經過其未經收割田禾不無傷損臣現委賢員攜帶司庫銀兩前往查勘設應賑恤即將差去官員留彼酌量料理務使小民安居樂業不致失所至如此等小事臣不敢開銷錢糧亦不敢率屬公捐容臣於自己所得養廉內陸續補還庫項合併奏

聞伏乞

睿鑒謹

奏

所奏俱悉飛蝗傷損田禾為數無多否若爾力有未逮
不可勉強即動庫項朕亦何惜之有

雍正元年八月二十一日山東巡撫臣黃炳謹
奏為致治務在得人敬陳管見仰請

聖裁事竊太僕寺少卿須洲奉

旨著伊署理佟吉圖員缺前往齊蘇勒處照齊蘇勒指

示行走臣即遵

旨令須洲前赴齊蘇勒處行走伏思河工事務固屬緊要而布政司衙門乃通省錢糧總匯關係亦重頭緒紛繁萬難離署辦理且庫藏尤不可一日乏人掌管臣不得不鯁鯁過慮今須洲駐劄河干勢必顧此失彼將來事體必致件件貽誤臣甚為焦心是以暫令登萊青道徐德俶代為辦理然究非常久之計至於藩庫之虧空雖清尚有因公挪借等

項已蒙

聖恩寬限一年准臣與程光珠清理完結但既係程光珠經手之事未便另交他手且所辦之事目今已有頭緒臣再四思維惟有將藩司事務令程光珠照舊辦理臣亦便於責成似於公務有益可否實授之處應請

旨定奪如蒙

恩准其所遺臬司員缺看得戶部郎中博爾多為人老

成勤慎誠如

聖諭可否補授臬司

洪恩出自

聖裁再查張秋地方原有分司一官於彼駐劄管理河
務後雖奉裁而衙門仍存臣看須洲為人誠實業
將諸湖蓄水估修堤岸閘座之事交與總理

題明在案則將來估計興修正需時日而年來沙灣
一帶屢遭水患實關運道民生諸務紛繁河道一

員委難兼顧應請令須洲駐劄張秋專管河務就近可以保護沙灣監察河員估計興工之後往來查驗工程來歲重運臨東兼得催趲以省

欽差趲運之煩如果臣言不謬伏祈

敕部議覆給與印信實授任事如此則河工事務既有專任而藩臬事務亦各有責成矣為此繕摺具奏伏乞

皇上訓示遵行謹

奏

已有旨矣修濬蓄洩各務雖係河員專任其夫料等項一切皆取辦於地方全賴爾地方各官戮力同心共勸厥事以河漕二臣呼應不靈也爾當悉心辦理稍有閒暇親赴看視盡力督催若至明歲事不齊備則疎慢諉延之罪百喙難辭與齊蘇勒張大有再四會商妥協而行朕另有旨與張大有令其面諭於伊將到時爾迎至中途聽旨凡關係河運諸務不時訓飭屬官必勤敏從

事母得累民母得草率塞責貽誤是虞倘河漕屬員暨
奉差督察各員如須洲等有騷擾地方有司以及借端
苛求者爾察明欸據叅奏若爾地方官内有怠玩遲誤
工程者致被河臣等題叅則佟吉圖余甸即是榜樣爾
其加意料理慎勉毋忽特諭

雍正元年九月二十日山東巡撫臣黃炳謹

奏為感激

天恩事竊念十月三十日恭逢

皇上萬壽聖節臣本擬

奏請給假半月親赴

闕廷隨班叩祝今蒙

皇上命臣查看河工臣即遵

旨前往但此一點微忱殊難自己查諸湖蓄水之處離

泰安州不遠擬於辦理河務稍暇臣親詣泰頂虔

誠薰沐持齋七日就於

碧霞元君殿前泥首百叩恭祝

聖壽無疆祈保

聖躬安泰以少盡微臣感激之私仍凜遵

諭旨不敢建立道場合併陳明至臣處存有西洋所產

微物數件可否容臣恭

進得蒙

皇上賞收一二件則臣不勝榮幸之至矣為此具

奏伏祈

皇上批示遵行謹

奏

日前朕有明諭下頒督撫諸臣概不許進獻爾此意甚屬不合況我華夏無物不備西洋奇巧更無所用徒使外夷占中國之利耳遇便亦寄信爾父切勿更為此舉也

同日又

奏為覆

奏事竊臣齎摺家人回東跪讀

硃批蓄水一事仰見

聖訓明切臣即遵

旨前赴濟寧候漕臣張大有到境傳宣

聖訓欽奉遵行并親歷諸湖查看情形務與河漕二臣
同心協力不敢稍忽將蓄水之事共期有濟以仰
副我

皇上委任至意再臣前因藩司衙門與河工事務均關
重大須洲難以兼理是以據實

奏請荷蒙

聖明即著須洲督理河務博爾多署理藩篆乃須洲反

前聞爾以臣奏不合深有怪臣之意甚至形於辭色之間

而目下之所作為更多可笑臣若與之較量不

原具有招尤惹怨氣質若欲防人謗言惟在屏私潔已

特有誤公事亦且有失大體况臣前

不恃寵而驕身無瑕疵任誰亦無如爾何倘行為乖繆

陛見時蒙

即無人指摘君恩又詎可長保耶勉之慎之

皇上諄諄教誨命臣諸事從容不可過急臣謹記在心

是以並不與較再臨闕缺額一事前蒙

諭旨令臣具題但思新增興慶閣銀兩諒不止臨闕一
具本無妨朕自有裁酌應免者方與豁免豈慮人之效
尤據事直陳何失體之有仍行題奏可也
奏銷時只將缺額之銀遵

旨具本求請寬限而求免興慶閣銀兩則不敢開端合

先覆

奏伏乞

睿鑒謹

奏

覽

雍正元年十一月十二日山東巡撫臣黃炳謹

奏為欽奉

上諭事竊臣遵

旨查視湖堤前赴濟寧州會同漕臣張大有南下至嶧
縣地方相會河臣齊蘇勒公同商議會摺奏

聞外臣看得獨山湖一帶土堤係運河之東岸計長八
十里俱卑陷不堪茲據兗寧道徐湛恩等公同確

估共需銀二萬五千餘兩前已

奏明是以動支庫銀委官二十員分段償修尅期告竣至此處運河之西岸舊有減水閘十四座盡皆坍塌應急為興修於來歲重運未到之先務期工程完竣再馬場一湖為運河蓄洩之區所有堤岸殘缺應修但目下天寒難以動工俟來春再為興修又兗州府河道臣亦親詣查勘其金口壩之上流悉係沙土每易淤塞必須不時疏濬又看得東

平州之戴村壩實為全河屏障今因年久亦多坍塌設有疎虞則水勢直洩鹽河何以濟運所關甚重應否修整臣未敢擅專合先奏

聞請

旨定奪謹

奏

覽奏湖河情形甚明查勘實屬詳悉周到照爾所議修理即行具題可也

同日又

奏為覆

奏事十一月初七日藩司博爾多至臣署傳

旨云

皇上兩遇大事俱至哀毀骨立近今

聖體安和仍復如舊將此傳與臣知著臣放心跪聆之
下如覲

天顏臣實不勝欣慰之至所有通省虧空臣因念錢糧

關係

國計恐致虛懸是以請為設法彌補實係愚昧之見

今蒙

聖恩訓諭諄切臣如夢方覺且復接奉部文虧空之員

著令解任賠補自當恪遵定例逐一清理再有臣

前

奏丁銀攤入地畝一事謹即遵

直隸甫為創始來春何得遽有成效即遲至一兩年後
旨差人往北直探訪如彼處行有成效來春亦應具本

未為晚也

題請至社倉一事前已勸諭各屬務期實力奉行尚

無成議覆到容俟各屬議覆到日臣與司道等官
商酌舉行所有博爾多傳到

諭旨緣由合行覆

奏謹

奏

社倉固屬善舉惟宜乘時相機徐為勸導若輕躁欲速
稍涉勉強翻為苛政矣

同日又

奏為

奏明地方情形事竊查通省麥田自九月至十月中
旬得有雨澤佈種約有十分之五其餘地畝留種
秋田地方情形較之春間大有起色臣因今歲豐
熟恐小民無知錢財在手易致耗散是以俱令開
徵臣所經歷之州縣大都如此惟各汛營兵多有
不堪實因貧窮所致臣與鎮臣商酌每年必需各

加賞給以助其衣服器械之資現在商議舉行合將地方情形據實

奏明伏祈

睿鑒謹

奏

地方武備甚為緊要年來置訓練於不講營伍廢弛已極類此者不可枚舉亟當加意整飭庶幾改觀若仍然因循怠忽不實力振作徒事欺飾迨三年後朕嚴申考

察之典臨時恐爾等噬臍莫及也勉之

同日又

奏為請

旨事竊查東省所有堤岸閘座現在估計造報

題請發帑興修雖有河員專司其事但地方遙遠工

程浩大正需多員辦理今查有候補道員張振偉

解任知州王景亮丁憂同知徐石麟均係閒散之

員應請仍留東省派令赴工効力俟河工告竣之

日分別勤惰或令歸旗或留補用另行請

旨定奪是否有當伏候

皇上批示遵行謹

奏

照爾所請將三人留工董役試看其效力何如

雍正元年十一月二十二日山東巡撫臣黃炳謹

奏為恭謝

天恩事十月二十九日接奉閩浙督臣滿保暨臣父國

材寄字內開奉

硃批諭旨朕亦非令爾等分文不取但當斟酌揆度將應取者用以辦理公事有何不可百姓屬官俱各感戴爾等受朕之恩又各富足豈非美事果地方寧謐上天眷佑年歲豐收百姓咸得安居樂業則總督巡撫豈有窘乏之理至若薦舉屬員受賄斷乎不可一則涉於無恥再則何顏作彼上司亦難於仰對

上天將朕此旨亦密諭黃炳欽此密傳到臣臣跪讀之下

仰見

聖訓明切

睿慮周詳此誠大小臣工所當奉為典謨者也臣伏查山東巡撫衙門舊有各屬節壽禮銀六萬餘兩丁地規禮銀一萬餘兩司庫羨餘銀三萬兩驛道糧道規禮銀各二千兩鹽道及鹽商規禮銀各三千兩通共計銀十一萬餘兩臣自到任以來因念各官虧空甚多一切節壽規禮並未收受惟有鹽商

規禮銀三千兩於接奉

硃批之後始行收受隨經賞給撫標兩營及城守營兵

督撫

丁訖至於節壽規禮俟各屬虧空補完之日再行

節禮

斟酌收取以備公用所有司庫羨餘一項俟各屬

起解錢糧到日臣再赴司庫支取除養廉外餘為

補還臨闕缺額并從前借賑蝗災銀兩及將來賞

賚兵丁之用至於保舉屬員自當悉秉至公斷不

敢少存苟且之念致負

聖主知遇之恩也為此繕摺恭

謝謹

奏

知道了百凡總期上下一誠相孚無容絲毫欺隱於其間也

同日又

奏為據實奏

聞事竊查各衙門餽送規禮積習相沿已久在

聖明洞鑒之中無容巧為諱飾者也查臣前任按察司時向有鹽商規禮六載於茲共收銀三萬兩但臣於六府中各造義學一處每歲給與膏火之資資助故官家口回籍賑濟逃荒饑民修造橋梁道路置買義塚給囚衣食種種公費又如六十年鹽徒竊發臣即重勞兵弁捕役人等竭力擒拏旋獲巨魁所費多金亦俱取給於此近聞

欽差在津清查此項所有徵臣前任內收受鹽規并為

公費緣由理合據實奏

聞抑臣更有

奏者原告商維新欲將各衙門規禮誣作命案之費
臣聞此言不勝駭異臣在東省六載不徇情面不
與外事人所共知况此案事關鹽政從前並不與
聞亦無行知案卷在

欽差聽斷之下自有公論但臣聞此妄誕之詞有關終
身名節心實不甘合併奏

聞伏乞

睿鑒謹

奏

有其事自難逃朕之鑒察何必奏辯無其事更不必奏辯其間果有曖昧之處寧以此片言先入而遂可消釋耶審明結案之時自有公斷此奏不合

雍正元年十二月初一日山東巡撫臣黃炳謹

奏為覆

奏事竊臣接奉

硃批諭旨四條跪讀之下仰見我

皇上至聖至明洞悉利弊反覆告誡諄切周詳臣雖愚昧敢不實力遵行以副

聖主維新之治伏查空糧一事山東巡撫衙門從無此弊向有材官六十名即係本標兩營之兵輪流該班効力仍俱無誤差操名雖在官實原在伍至於操演兵丁前以公務無暇未曾親閱今於查河回

署之後將撫標兩營及濟南城守營各兵弁時常

操演射箭打鎗自能嫻熟其汛守巡查兵弁作何

五當周詳籌畫

增設派委之處業與登州鎮臣會同商酌確議舉

鼓舞

行嗣後拔補把總自當悉秉至公斷不敢徇情行

從來

賄自取罪戾也社倉保甲二事臣現在遵奉

聖諭

勸勉各府州縣實力舉行但恐人心不古將來難

士民

有成效總之臣在此任一日即竭此一日之力不

敢少萌苟安之念若夫緝拏盜賊尤臣素所留心

事也

從不肯少為寬假者如本年五月內聞有大盜一

此案

起往來東境臣即密遣幹捕分頭躡緝於七八兩

盜犯若俱係積惡

雖

奉部文

分別

首從

或議

從寬

爾為

月連獲孔林等九人俱係積年大盜歷有案卷可

封疆大吏職當除暴安良

以示懲創

亦可

不必

規

規

規拘泥也

結再查東省舊例上司過往下屬俱有供應今蒙

聖明鑒察

諭令概行裁革臣已遵

旨嚴飭各屬一體遵行即

欽差往來亦不得濫行餽送并聞近來

欽差官員俱各凜遵

若有其事不得絲毫膽狗情面即密奏以聞

聖諭並無苛責滋擾以上各條俱係

密諭事理理合逐一覆

奏伏乞

睿鑒謹

奏

覽

同日又

奏為奏

聞事竊查東省各州縣徵收錢糧所有耗羨俱各頓減
輕重合宜全在汝審度而行須還朕一是字耳

大率俱在加一六七之間較之從前相去逕庭矣

至於徵收漕米不過加三已較從前減半有餘蓋
若至加三則斷不可汝當斟酌

徵漕之耗所以較地丁錢糧加重者實因旗丁俱

有使費若再裁減則州縣不無賠累之苦又查得

各處米糧俱皆充足市價亦頗平減較之夏間每

金石減銀數錢大慰朕懷目下雨雪調勻明歲麥收大有可

望理合奏

聞以慰

聖懷謹

奏

雨雪光景大概通省皆然乎於某月某日或雨或雪有
無多寡異同查明更奏以聞

同日又

奏為微臣依戀心切懇

恩俞允躬請

聖安面聆

聖訓事竊臣自春間親承

天語以後諸事有所遵循庶得免於隕越茲幸值秋收
豐熟凡從前窮苦之家今皆為溫飽之室此皆由

我

惟民與歲實關朕之福祚亦徵爾之造化更當防檢身
皇上之洪福齊天實由我

皇上之至誠昭格也心無或逸豫也臣雖供職東偏心實瞻依

北闕擬於封印後趨赴

京師躬請

聖安元旦之期隨班朝

賀更得面聆

已悉爾誠

聖訓遵守奉行臣心實出至誠並無虛假仰祈

皇上天恩俯鑒愚忱

特准所請臣得以少慰依戀之私為此謹

奏

不必來京朕萬幾待理無暇他及直省督撫中未經陞見者尚多相形之下未便異同爾咫尺山左詔旨可以時宣何待朕一一面諭耶

雍正元年十二月十三日山東巡撫臣黃炳謹
奏為欽奉

上諭事竊臣接准兵部咨文內開九月二十三日法敏等面

奏截留漕糧一事奉

旨糧船回空緊要朕為此事甚為憂心著總理事務王大臣等行文直隸山東巡撫嚴督沿河官弁晝夜上緊催趲勿得虛應故事欽此臣跪讀之下仰見我皇上慎重

天庾至意臣既身任地方敢不仰體

宸衷實心辦事今歲回空糧船一入東境臣即飛委文武多員分段嚴催不遺餘力前將催進臨清口閘

及過張秋情由

奏明在案今幸十一月內尚未結凍是以失役俱免
敲冰壓凌之苦而回空各船已於十二月初二日
全數催出東境南下訖緣係欽奉

上諭事理理合奏

聞謹

奏

已據漕臣張大有奏聞矣實愜朕懷

汝奏請委員辦理工程之摺留中未發朕另有旨

同日又

奏為欽奉

上諭事竊臣接准戶部咨文內開山東省虧空無可著
追銀一十五萬六千三百四十四兩零穀八千五
百六十六石零經原任巡撫李樹德疏稱請公同
捐補限五年內補完等語查前項無著銀兩該撫
既稱公同捐補自應作速補完何俟五年應限四

年內補完其有著銀兩照例催追完報自奉

旨之後如果有人亡產絕不能追完者該撫即照無著銀兩所定年限內補完報部仍令各該撫每於歲底將完過若干之處逐一分析具

題等因到臣臣與博爾多即檢閱舊案查李樹德所題無著銀穀俱係約畧摹擬並非確實核算如伊疏稱已經叅出虧空之無著銀二萬九千三百餘兩穀八千五百餘石確係某案某人之數並無冊

籍可稽礙難分派又如流抵未清之無著銀十二萬七千兩零查流抵一項並不止此十二萬七千兩實有二十七萬餘兩皆係從前州縣各官之虧空上司徇庇允其詳請陸續捐俸補還之項名則俸工捐補實則虛懸無著况捐俸已奉停止無項可捐實難遵照部行依限賠補又五十八九兩年青萊登各府屬煮賑動用倉穀十一萬七千餘石原議以俸工補還亦係虛懸無著則此無著銀三

十餘萬兩穀十二萬五千餘石皆係前撫臣李樹德任內未清之項委難捐補應請仍著落李樹德補還以清積案理合

奏明伏候

皇上乾斷施行謹


奏

將銀穀虛懸始末並應著落補還情由脩細聲明具本

題奏



硃批諭旨卷二十三上



總校官庶吉士臣侍朝

校對官編修臣馬啟泰

謄錄監生臣陳肇麒

欽定四庫全書薈要

史部

硃批諭旨卷二十三下

詳校官編修臣繆晉

欽定四庫全書薈要卷七千九百五

史部

硃批諭旨卷二十三下

硃批黃炳奏摺

雍正二年正月初一日山東巡撫臣黃炳謹

奏欽惟我

皇上繼

天出震紹統乘乾

仁育萬方庶景仰生成之澤

恩周四海間閭遊浩蕩之春當茲斗柄建寅正遇

泰階履吉幸值春王正月欣逢

天子萬年臣職居外吏不獲九叩揚

麻心戀

闕庭惟願

一人有慶敬抒寸悃恭請

萬安臣炳不勝頌禱之至為此繕摺謹

奏

朕躬大安三陽開泰萬象維新願爾闔省風雨應時兵
民樂業共享昇平之慶也

雍正二年三月初三日山東巡撫臣黃炳謹

奏為奏

聞事竊查東省各屬望雨甚殷臣即虔誠祈禱特委員
前往泰頂焚表叩求雨澤於二月二十一二等日
兗青二府屬紛紛報有得雨之處尚未霑足今三
月初三日濟南省城甘霖大沛歷城縣等處入土

五六寸俱各霑足且陰雲滿布大約得雨地方必
廣我

皇上宵旰憂勤無時不以民生為念合將得雨情由繕
摺奏

聞以慰

聖懷謹

奏

時屆暮春畿內望雨更殷初三日甘霖大沛竟日方止

已十分霑足矣乃東省亦於是日得雨

天恩溥博朕不勝愉悅之至

同日又

奏為恭謝

天恩事竊臣父子兄弟共沐

國恩同登仕籍一門

知遇脩極

寵榮今復蒙

聖恩將臣親姪承培選授順德府同知員缺臣聞
命自天感激無地為此繕摺恭謝

天恩伏乞

睿鑒謹

奏

一門榮寵固幸遭逢然必能互相勸勵感恩圖報方期
福澤綿遠若倚恃家庭顯耀任情縱恣朋比黨援轉相
請託順之者曲意容隱逆之者多方排擠甚至欺君虐

民有所不顧如此行為則目前富貴非為福基翻為禍
媒歷觀古今人事履盛滿之時不惟不敢稱慶且更加
謙謹所以世代子孫獲長保安全也將朕此諭不必傳
錄祇作爾意凡爾親族人等之在仕籍者俱令知之特
諭

雍正二年三月十七日山東巡撫臣黃炳謹
奏為再行奏

聞事三月初三日

天降時雨業將省城得雨情由奏

聞在案今查各屬呈報得雨分寸惟濟屬之霑化充屬
之曲阜單縣東屬之邱縣夏津萊屬之即墨登屬
之寧海文登等處尚未霑足其餘各屬俱皆霑足
透潤不特麥苗賴以滋長而秋禾亦得乘時播種
此皆我

皇上念切民瘼憂勤感格之所致也合將通省得雨情
形再行奏

聞謹

奏

據奏霑化曲阜等州縣尚未霑足未悉此數處得雨幾分或係少有欠缺抑或大有不足確查情形再為詳細奏明

同日又

奏為覆

奏事三月十六日臣齋摺家人回東接奉

殊批諭旨跪讀之下反復細繹誠千古不易之至言萬

代臣工之要法也臣不勝敬凜之至但臣自蒞任

巡撫以來屢蒙

汝雖

奏稱屢蒙君親諄囑然觀汝於諸事率多有逞才

聖訓

明切周詳感

自用欺飾不真處似此恐未必能小心翼翼克全忠孝

恩圖

報之誠無時敢釋即臣父處往來家信亦常以此

也

諄囑今奉

且盡自心然後再推廣於親族方合行遠自邇登高自

諭旨更當互相勗勵以報

卑之道其身正不令而行其身不正雖令不從汝其未

國恩并導

旨之讀乎作

臣意傳知親族人等共相勗勵也又奉

硃批

雖止四字行之甚難

不如屏退私心一語實係聖賢學問臣即知識愚

昧自當敬謹遵行總之有私無私難逃

聖明之洞鑒也又奉

硃批畿內望雨更殷初三日甘霖大沛竟日方止已十分霑足矣乃東省亦於是日得雨

天恩溥博朕不勝愉悅之至欽此竊思時雨普降洵屬

天恩然非

聖天子宵旰憂勤誠敬祈禱焉能感格書云一人有慶
兆民賴之正此謂也理合覆

奏伏乞

皇上睿鑒謹

奏

覽

同日又

奏為請

旨事竊查運河內之袁口柳林寺前三閘於康熙六十一年經前任河臣趙世顯撫臣李樹德咨商修築共用過運河廳庫銀四萬五千六百二十餘兩議以八年之後捐工捐賑完日捐俸還項在案伏查河庫錢糧每年

奏銷事在總河歲底盤查責在東撫臣於前屆盤查時因未曾親閱工程不敢冒昧瀆

奏今查看三閘雖係新修恐不堅固且錢糧動用必

先奏

聞工完據實造報即欲捐補亦應作速還項未便久懸
今趙世顯李樹德動用錢糧之日並未奏

聞工完之後既不報銷又不彌補懸項久待完結無期
況捐俸現奉停止無項可捐臣有盤查之責不便
任其虛懸應請將前項修閘銀兩著落趙世顯李
樹德二人名下分賠以清庫項是否有當理合請
旨定奪再臣屢以類此之事上瀆

為國任怨惟純忠精義之臣為能非爾所及也此一語
宸聰則致怨於臣者必多但臣受

即屬懷私

恩深重自應據實

所行者是即引

奏明不敢引嫌避怨亦無害所行者非雖不引嫌避

怨亦無益總之屏去私心方能合乎是非之當

皇上垂鑒施行謹

奏

此等事豈得於摺奏之中巧施詭譎乎盤查之責雖云
在汝奏銷之責則在河督以二人均任之事而一人專
擅殊屬孟浪

雍正二年四月初三日山東巡撫臣黃炳謹

奏為覆

奏事竊查山東藩庫未清各項經臣分析

奏明請

旨扣追荷蒙

允准在案今查借支兵餉與各官借領那用共銀二十
三萬餘兩自上年七月起至本年三月止俱經陸
續扣補全完緣係從前摺奏交臣清理之事今既

扣追還項理合覆

奏伏乞

皇上睿鑒謹

奏

借項固應清理但如許多金於三季之內扣完似覺太驟兵丁月費無支不致拮据否

同日又

奏為敬陳府倉之捐米請分貯州縣以廣積儲以省

運費事臣查得濟青萊登四府從前開捐所收米石除陶錦李元龍耿紘祚等虧空各數已經叅追外所有青州府倉存銀兩奉部議買補還倉因在府倉一處收買則米價必致騰貴是以交與青屬之各州縣照依時價陸續採買不許派累小民又查濟南府倉除實存米石外所存米價銀兩據原任知府張振偉稟稱從前接受交盤時原係六錢一石收受共銀四萬二千七十餘兩並無虧空等

語查現今之米六錢一石價值不敷應令照依時
價一兩一石合算每石加銀四錢以便買補嗣據
該府照數賠出銀二萬八千四十九兩零當即援
照部議分發濟屬之各州縣買米存倉又查萊州
府倉存銀兩亦援照部議分發萊屬之各州縣採
買但三府之州縣附近府治者無幾而寫遠之處
甚多若令其各運至府倉則所費腳價每石需銀
二三錢不等以臣愚見莫若將此項米石即令現

在採買之州縣加謹收貯並令知府按季盤查如
此則州縣之倉廩盡皆充裕而適有需用之時可
無撥運之費矣是否可行理合請

旨定奪謹

奏

四府收捐米石原經部議買補還倉其分貯各州縣之
處仍應具題聽候部議摺奏請旨不便批諭

同日又

奏為奏

聞事前於三月初三日普降時雨業將通省情形奏
聞今於四月初二日復大沛甘霖查得歷城縣四境俱
各得雨入土五六寸不等目今正值麥秀之候得
此雨澤甚為及時除各屬有無得雨另行查
奏外所有歷城四境得雨情形合先奏

聞伏乞

睿鑒謹

奏

此番甘雨未據他省奏報爾山左可謂先沾

天澤矣二麥自必異常茂盛誠應時雨也大慰朕懷

雍正二年四月十一日山東巡撫臣黃炳謹

奏為奏

聞事前於四月初二日業將歷城地方四境得雨情形

奏

聞在案嗣據濟屬之長清等二十五州縣充屬之東阿

等十州縣東屬之聊城等十七州縣青屬之益都
等八州縣萊屬之掖縣等五州縣登屬之蓬萊等
六州縣俱報是日得雨霑足惟濟屬之利津等五
州縣充屬之滋陽等十七州縣東屬之朝城縣青
屬之壽光等六州縣萊屬之即墨等二州縣登屬
之寧海等二州縣雖於是日未得雨澤後復陸續
得雨諒俱霑足又查三月初三日所

奏未霑足之霑化曲阜單縣邱縣夏津即墨寧海文

登等處是就彼時而論嗣後於三月之二十五二十九四月之初二初三等日皆得雨澤並無不足之處昨初十日歷城四境又得甘霖入土各有三寸此雨亦甚得濟理合據實一併奏

聞伏乞

睿鑒謹

奏

朕亦聞得山東今歲雨澤優渥但汝總宜據實上奏不

可絲毫粉飾言過其實也

同日又

奏為敬抒下悃仰祈

睿鑒事竊臣猥以庸愚荷蒙

聖恩不次超擢時降

溫綸成全教誨之

恩有加無已臣雖至愚具有心胸敢不竭盡忠誠以仰

酬

高厚於萬一昨奉

硃批以臣於諸事率多遲才自用欺飾不真恐未必能
小心翼翼克全忠孝欽此臣跪讀之下不禁汗顏愧
赧惶悚怖懼之至伏思我

皇上聰明天縱睿哲性成照臨臣下無微不燭臣何敢
逞才舞弊自蹈愆尤故臣自任事以來所有一切
倉庫諸弊悉皆據實

奏明不敢少存欺隱總之臣受

恩深重非比尋常斷不肯自暴自棄致負

聖主特達之知也再河庫錢糧一事臣愚以此項銀兩

原議俸工補還無庸

奏銷而盤查之任責在巡撫是以未經會同河臣合

詞具

奏臣實孟浪罪無可辭今已遵

旨移商河臣在案合併聲明為此謹

奏

觀汝於地方上一切事務非過則不及皆不合時措之
宜今發來諭旨二道雖大槩相同而微細處有異汝與
博爾多悉心體究殫精籌畫應行者舉行毋得將諭旨
引入本內以恫疑虛喝使部臣不敢開口論汝等之是
非也此係密諭汝等當領會遵奉更勿宣揚

雍正二年四月二十七日山東巡撫臣黃炳謹
奏為

奏明地方情形事竊查東省各屬普得時雨業經奏

聞在案臣伏見我

皇上宵旰憂勤無時不以民生為念臣身任地方敢不

仰體

宸衷留心民隱是以時遣親信之人前往各屬查看據

朕聞

稱今歲自三月後雨水調勻麥苗暢茂收成有望

東省麥苗長發

旺盛收成數或尚不止於此

將來好者七八分次者六七分收成不等且高糧

秋穀出土者已有寸許現在地脈濕透秋禾俱易

滋長地方大有起色惟濟兗東青四府屬間有十

數州縣生發蝻子臣已檄行各州縣令其上緊撲

從來

蝻

打務絕種類恐有怠忽從事州縣臣復差委標員

之間也

協同撲滅斷不令其養成羽翼致害麥禾但恐山

巔石隙人跡罕至之處一時生發亦未可定仍嚴

行申飭務期廣為搜捕無留餘孽也所有地方情形理合據實奏

聞謹

奏

蝗蝻生發朕已聞之矣亟當嚴督屬員盡力撲捕勿稍
懈慢致令養成羽翼損傷禾苗既盡人事然後竭誠祈
禱

神佑庶望消弭災眚也

同日又

奏為覆

奏事竊臣齋摺家人回東捧到臣前奏清理藩庫一
摺奉

硃批如許多金於三季之內扣完似覺太驟兵丁月費
無支不致拮据否欽此仰見我

皇上時時以軫恤兵丁為念查此兵餉一事係陸續扣
除兵丁並無拮据之處又

硃批分貯捐米一摺現在遵

旨具本

奏請理合覆

奏伏祈

皇上睿鑒謹

奏

所奏俱悉凡事惟據實直陳弗飾辭隱蔽庶盡事君之誠兼亦自愛之道勉之

雍正四年十月初一日刑部左侍郎臣黃炳謹
奏為恭謝

天恩事雍正四年九月二十四日臣父國材差人到淮
得接家信知九月初五日奉

旨將臣兄黃焜補授鑲白旗漢軍副都統臣隨望

闕叩頭謝

恩訖伏念臣兄係負罪之人情甘擯棄乃蒙

皇上天恩不加譴責

特授副都統之職

恩逾格外

寵越尋常臣父子兄弟膺此

殊遇考諸史冊實屬希有但受

恩愈重圖報實難惟有交相勉勵共盡職守以仰答
皇上高厚之恩於萬一耳為此具摺恭謝

天恩伏祈

睿鑒謹

奏

此等奏謝之章竟成故套朕殊覽之厭矣須盡實行莫
務空言自於勉勵二字尚恐未能何暇交相勉勵耶

刑部左侍郎臣黃炳蘇州織造郎中臣高斌謹

奏為請

旨事竊臣等接准部文據年希堯叅奏慶元劣蹟內有
訛詐淮民李宗奭銀二千兩一款臣等即遵

旨提集人犯逐一研訊緣李宗奭家於雍正元年九月
間秋收糧食堆積莊房有族人李藏麟者因借貸
不允在慶元任內捏告收囤雜糧堆積棧房店內
布疋捏稱漏稅慶元即將李宗奭父子拏禁關上
訛詐銀一千四百二十兩是實俱係家人陳八等

經手後宗奭之子李懽心懷不平意欲控告適有
程垓即程春穀者從旁勸阻因而中止後慶元自
知作惡多端官聲狼藉欲退還此銀本年七月間
適程春穀赴闕交納鹽鈔未得交納將原銀帶回
慶元家人陳八即煩彼寫字招李懽至伊家講話
程春穀即行允從至七月初七日陳八李懽先後
至程春穀家陳八遂令程春穀將前日未上納之
鈔銀內兌一千四百餘兩給付李懽以圖消弭此

慶元訛詐還銀之原委也但查程眷穀一犯若據其與陳八往來託為心腹應照律內投託勢要作為心腹者枷號一個月發烟瘴地方充軍擬罪若據其將應納錢糧任聽陳八私借還贓應照律知借貸錢糧匿而不舉及故縱者並與犯人同罪至死減一等律應擬杖流是該犯實有應得之罪已

無疑議惟查該犯為淮安總商家頗富饒訪其平

罰贖

之語或出自本人情願則可律內未聞有罰銀十日亦屬好事以臣等愚見將該犯罰銀十萬兩限

萬之

罪條

一年內繳於淮安府庫發令府屬州縣買穀備用以贖其罪可否如是仰請

皇上批示遵行再朱家海工程恐有關緊要臣等與河臣會議河臣齊蘇勒應往彼處照管工程臣等本應偕赴工所會同審理緣案內應質訊人犯甚多皆居住淮安若往來查取提問未免有跋涉之累

是以臣等先在淮安將案內應質訊人犯就近提問應釋放者即行釋放免致拖累無辜俟將各案

如此

甚是若案件果已審理清楚無復疑竇竟可無庸

會同

齊

蘇

勒

援

旨具

疏題

奏以

聞

審有頭緒臣等再攜帶人犯前往宿遷縣會同齊

蘇勒審擬具

奏再淮安府知府劉之頊於九月十九日在河間府
東光縣地方追及慶元船隻搜獲銀五萬九千餘
兩尚未到淮俟到日查明另

奏外合先奏

聞謹

奏

知道了慶元業經物故可於其贓銀中酌量動用料理
棺衾命伊家人送歸

雍正四年十一月初二日刑部左侍郎臣黃炳河
道總督臣齊蘇勒內務府總管管理淮關稅務臣
年希堯蘇州織造郎中臣高斌謹

奏為奏

聞事竊查慶元嚇詐潘尚智一案臣等遵

旨研訊之下慶元固屬有心嚇詐潘尚智亦屬有意行

求繼恐事敗慶元退還原銀復令家僕搶奪緣由

實情俱已敗露惟是慶元在任三年有餘其貪婪

若非

時羨餘

入已

如許

多金

從何

而來

朕實

不能

悉其

若

之

處

所得

之由

三年內實得銀十六七萬兩從前曾給過我們三

此供

確然無疑

老爺銀二萬兩是做過提督的陸續寄回京內銀

二萬餘兩去年我進京時我主兒原叫我向秦四

說叫他埋在對過新買房子內後來埋了不曾我

不知道等語復將陳八嚴行夾訊問其此外所少

銀兩甚多俱藏匿何處據供還有銀二萬四千兩
是我同秦四張文運埋在五間照房前土院子裏
了這是去年十月內的事等語又將陳八夾訊問
其除現供之外所少銀兩仍多務將藏匿地方銀
兩實數逐一供出研詰至再據供我去年進京時
有銀三萬四千兩交給管家余二陸續運往通州
去了現開典鋪等語臣等再加詰訊以上各供是
爾等所取之供尚在游移朕豈便諭查
否俱係實情彼又云受刑不起是以妄供臣等復

問其此外有無借放與人據供我主兒有四萬兩

銀子借與鹽商程樹先是分半利息我也有一千

兩銀子借與他生息是二分利錢等語隨將程樹

先之父程巨函行提到案訊據程巨函供我兒子

往京裏去了我兒子平日時常與陳八相與往來

是實今陳八既說我兒子借他四萬一千兩銀子

我情願認還等語復將慶元信用書辦楊培元嚴

加刑訊據供慶元任內三年嚇詐等項算來得有

亦係

十七八萬兩他另有細帳隨訊據陳八供稱收銀

細帳俱已燒燬等語

臣等查慶元存心奸詐行事

詭譎私自藏匿事所必有且伊家人余二向在京

須黃炳

中慶元新買對過房內居住今忽移寓通州現開

典舖其中大有情弊伏乞

指名要令又奏請向在京之人查取供情似此文檄

皇上差員在慶元舊房院內并新買對過房內以及余

紛紛

往返道路殊無是理自應黃炳將其所有家人帶

至都

中復行審訊為是

存銀三萬四千兩仰請

皇上敕可從之極部審問明確乞將供情發與更屬可訝臣等以便定案再

程樹先之借項雖據伊父程巨函情愿認還然程樹先未經到案似難遽為懸斷茲正在行提問據程巨函具呈代男償銀循例納贖仰懇

皇恩寬罪事呈稱情愿代男程樹先照數認還所借慶元及家人陳八本銀四萬一千兩又共該利銀八千六百八十兩并稱商男與陳八相識往來即屬不合照律擬議夫復何辭請照康熙五十年江南

認銀

免罪尚屬情理之中乃人令其加捐是何謂耶

借慶

元銀兩今既認還復何罪之有朕所不解

萬兩充河工之用為商子贖罪等情又據慶元嚇詐李宗爽案內鹽商程春穀具呈為循例納贖叩

懇

皇恩寬罪事呈稱商懼慶元家人陳八威勢代為寄信

傳喚李懌又將鈔費轉付即屬不合認罪奚辭請

便准

照康熙五十年族人程光奎科場案內捐銀贖罪其援例捐贖罰鍰亦屬過多

之例情愿捐銀八萬兩充河工之用循例贖罪等

情據此以上二案可否准其納贖臣等未敢擅便
理合請

旨定奪再臣等惟恐慶元此外尚有隱匿賊銀陳八狡
獍不吐將跟隨陳八僕人夏玉之小厮高大行捉
到案訊據供稱去年有陳八的叔伯哥子到關上
來過他往在涿州東北采育地方陳八有八箇箱
子差我主兒夏玉同他叔伯哥子送回采育等語
隨詰問陳八據供八箇箱子內裝載衣服銀緞此

若果隱匿是實巧計早已做成不在此時察看之遲速
總須黃炳回京將陳八併一千人犯嚴加管束毋令與
在京家人張文運係陳八之姨父仰祈
皇上敕部委員帶同張文運往采育地方陳姓家內查
疎縱致令預有準備則將未黃炳於此案甚難措手共
看庶奸宄之徒無所施其伎倆矣再潘尚智任所

原籍房地當舖借項共銀九萬餘兩俱已查明封
固另入正案歸結其慶元家私船隻前據知府劉
之頊在東光縣地方追及查有銀五萬九千餘兩

業已

奏明在案今將在東昌府趕回船隻以及陸路追回箱籠內又查有銀六千餘兩所有慶元家私衣服等物為數甚多臣等俱已查明封固另入正案歸結外理合繕摺奏

聞伏乞

皇上睿鑒謹

奏

所奏俱悉

同日又

奏為奏

聞事竊准刑部咨開欽奉

諭旨將慶元任內錢糧簿冊共六十一本紅紙單六張

著即遞發侍郎黃炳一併查審具奏欽此又准馬爾

賽等咨開我等將慶元任內收稅檔子核算除他

應交並各項用度外還得銀二十七萬兩等因奉

旨此不過簿籍中顯然開載者此外尚有伊額外加徵
大耗并侵欺嚇詐之項黃炳等不可以此簿籍所開
即作實在之數欽此等因各移咨前來臣等即提集
慶元任內經手書辦將發來各冊逐款訊問據供
發來各冊內大簿子係慶元三年任內徵解錢糧
的底冊其餘小簿子係今年五月內造的慶元原
欲攜帶回京以備查問內中徵解各款俱是人人
知道並無隱匿等語復將慶元信用書辦楊培元

嚴行夾訊據供慶元在任三年零二十八日共收
正額浮羨火耗銀一百三十三萬七千九百六兩
零內除加平庫飯等項用去銀三萬八千六百八
十七兩有奇外其所收正稅贏餘以及火耗銀兩
俱各解部並無絲毫隱匿如果冊內有隱匿銀二
十七萬兩這樣冊子他豈肯留着等語臣等即弔
取批領案卷並發來各冊又淮關所存底冊公同
核算查慶元在任三年零二十八日共收正額浮

羨大耗銀一百三十三萬七千九百六兩零內除
解發過銀九十二萬三千三百一十八兩零俱有
批領案卷可查止有第三年第二季解部船鈔供
漕銀二萬四千七百六十六兩零第三季解部船
鈔供漕銀二萬四千七百六十六兩零第四季解
部船鈔供漕茶稅商稅灰契四稅銅觔水腳節省
光祿寺內務府庶吉士銀九萬九千一百八十七
兩零又解部贏餘銀二十萬七百五十七兩零又

續收二十八日解部船鈔供漕灰契商稅四稅銅
舫水腳節省光祿寺內務府庶吉士銀一萬三千
五百七兩零又解部贏餘銀一萬二千九百一十
八兩零雖有案卷可查並無各衙門回批存照仰
請

皇上敕部查明是否解部收庫其下剩銀三萬八千六
百八十七兩零雖據書辦口供并冊內開載俱係
加平庫飯用去然此除儘收儘解之項自應盡行

解部慶元既有入已銀兩加平庫飯應用已銀何
得借此名色私自開銷相應於正案另行斷追為
此繕摺奏

聞伏祈

皇上睿鑒謹

奏

閱前後供詞諒係實情黃炳即日回京自可逐案向各
衙門行查何須朕敕部察覈命爾等鞠獄但欲得其實

情耳慶元罪案即據潘尚智之事而論種種違法負恩
已屬死有餘辜若稍涉文致轉非信案聽斷失實矣觀
爾等於此一事頗有迎合強掙光景豈不大謬如欲迎
合朕意惟當一秉公忠朕有何意見需爾等迎合耶諄
諄訓諭總不肯傾心體信遵奉改易朕亦末如之何也
已

雍正五年五月二十八日刑部左侍郎臣黃炳川
陝總督臣岳鍾琪湖北巡撫臣憲德四川巡撫臣

馬會伯謹

奏為奏

聞事臣等公同審得程如絲販私殺人以及重賄蔡珽
一案程如絲俱已直認不諱即質之蔡珽亦云曾
受過程如絲銀六萬六千兩金子九百兩是實復
詰問蔡珽程如絲前任夔州府時侵蝕稅銀復販
賣私鹽你不惟不行叅究反在

皇上跟前保奏他為四川第一好官欺罔

君上是誠何心據蔡珽親筆供稱程如絲如此貪殘橫
行種種不法我從前不叅他反說他是好官是我
受賄存私該死有何辯處當堂輸服無辭是程如
絲之貪殘橫行蔡珽之受賄妄奏均屬顯然除將
被害人等供情詳悉叙明將程如絲蔡珽按律定
擬另

奏外合將審過情形先行附摺奏

聞謹

奏

天理昭昭不爽覽奏不覺為之悚然朕初意以此案事情
或未必真確所以前未深究不料人情險巇詐偽至於
此極可見

天道好還網疎不漏如此顯明迅速人可不益加凜畏耶
同日又

奏為叅

奏事臣等公同查審得喬鐸侵蝕稅銀程如絲扶同

隱匿一案取據喬鐸等各供臣等伏思我

皇上宵旰憂勞勤求治理內外臣工自當洗心滌慮共
遵法守乃程如絲教令喬鐸隱匿

國課復令其差人赴部料理通同作弊情屬可惡喬
鐸程如絲俱應按律究擬但程如絲已於販私殺
人及貪婪各案內擬罪喬鐸已於侵蝕關稅案內
擬罪俱應在彼案從重歸結佛喜法敏利欲熏心
代為轉詳具題已屬不合而佛喜又為其寫書託

人更為不法佛喜法敏均應交部嚴加治罪至書
辦章孔昭玩法作奸殊屬可惡仰請

皇上敕部將章孔昭密拏到案嚴審治罪塞欽劉師恕
有無代為料理作弊之處亦請

敕部訊明章孔昭一併交部嚴加治罪為此具摺請
旨謹

奏

知道了已將章孔昭拏獲交發該部審擬至案內所干

人員等亦俱有旨矣

雍正五年十一月二十日刑部左侍郎臣黃炳雲

南巡撫臣朱綱謹

奏為欽奉

上諭事雍正五年八月三十日臣黃炳在四川接准吏部咨文內開內閣吏部奉

旨侍郎黃炳著前往雲南俟巡撫朱綱到日有交與會審事件欽此等因移咨到臣臣遵即束裝起程於十

月十八日到雲南省城臣朱綱亦於是日到任隨
恭設香案將所發摺匣公同開看內奏摺一件為
查叅事內欺列雲撫楊名時臬司江芑通同欺蔽
各實情臣等遵

旨提犯研訊據各犯供吐確鑿詳查案卷又各相符是
楊名時之朦朧隱諱徇情營私毫無疑議查楊名
時身任封疆大吏不思一秉公忠整飭地方乃因
循怠玩苟且塞責而又同汙合流以取媚於世矯

廉假節以盜竊虛名其保舉之潘允敏龍為霖栗

爾璋俱係進士出身而栗爾璋係楊名時所中舉

人實屬門生至伊所得康熙六十年暨六十一年

鹽規等項銀八萬兩又得過范溥金盃緞疋等物

即據楊名時亦自認不諱是楊名時並非一介不

取者也當審問之時猶援古證今毫不為恥忽講

家語忽引魯論口不絕詩書之文行實與語言相

悖楊名時既得過鹽規等項銀兩又得范溥金盃

緞足合依有祿人不枉法贓一百二十兩以上絞
律楊名時應擬絞監候秋後處決其所得銀八萬
兩內據楊名時供稱因銀廠缺額捐補過銀二萬
一千餘兩等語應免其查追外仍應於楊名時名
下勒限一年追銀五萬八千四百三十九兩其所
得金盃緞足應照例追價一併入官至馮慶長從
前領銀辦買軍需草豆查實係原任趙州知州陳
士昂差家人同經承辦買存貯趙州地方已出有

收管及其變價之時又係陳士昂家人變賣所變

價銀亦係交與陳士昂況檢查案卷陳士昂已經

自認清還今既經離任回籍應行文浙江巡撫李

衛著落陳士昂名下追銀三千九百四十兩以充

軍餉至此項草豆既係陳士昂收管尚未變價繳

還毛文銓何得以俸工代為補項殊屬不合應請

交部嚴加議處再查范溥承管錢局虧空高其倬

揚名時江芑明知不叅已屬徇庇又各幫銀兩代

為完補通同作弊殊屬溺職除楊名時江芑從重
歸結外高其倬應請交部嚴加議處再查雍正二
年間江芑奉委稽察錢局時范溥即虧空銀一萬
餘兩而雍正三年五月內李衛於

奏銷時並未揭報狗庇亦屬顯然李衛應請交部嚴
加議處至江芑署藩司任內所收廠課錫既有贏
餘自應全數報明何得私自入己江芑應照律杖
一百流三千里仍於該犯原籍勒限一年追銀二

千五百八十九兩還項餘審無干俱應省釋查馮
慶長雖未到案而案內各款既已質訊明確不敢
稽遲理合先行具

奏俟馮慶長到案之日另行訊明再

奏外伏乞

皇上睿鑒

敕部議覆施行謹

奏

該部嚴察議奏李衛高其倬著明白回奏黃炳交審案
件已結著馳驛回京楊名時卓異薦舉者既皆係科甲
伊任巡撫六七年曾叅劾科甲出身官幾員著該部查
奏與督臣會題者不必查

同日又

奏為奏

聞事竊臣等審理楊名時徇情營私一案訊據范溥供
稱毛文銓陞了貴州巡撫時藩司任內有虧空不

清約銀二萬兩將各屬送督撫的節禮交在藩庫

給毛文銓補了虧空這是總督高其倬巡撫揚名

時前任布政使李衛大家商量的雍正二年分我

送督撫節禮銀一百八十兩係繳在藩庫的據楊

名時供毛文銓原虧空銀二萬兩高其倬因與伊

係親戚曾向我說我們大家幫幫他罷彼時李衛

就說何不將兩院不收的節禮給他補了虧空呢

這件事是有的據江芑供雍正二年我送督撫的

年節生日禮俱叫交在藩庫收存說是給毛文銓

補虧空這事原是有各等語又臣等檢查原任

永平縣知縣馮慶長領辦軍需草豆案卷見有原

任趙州知州陳士昂呈詞內稱李衛進京之時面

諭我云永平縣未完軍需草豆銀三千九百四十

兩因毛陞司有虧空移交抵款之項不得不為詳

請今本司庫項凡軍需賠累者俱經豁免你只管

收拾回去交代冊上已無此項等語臣等伏念蒙

皇上特旨發審此案凡有所聞雖係案外之事亦理應
據實奏

聞恭請

聖裁臣等止知有

君父厚恩斷不敢少有瞻徇代伊等隱瞞致有負

皇上天心伏祈

睿鑒為此謹

奏

此事爾等既不隱瞞又另摺具奏料理甚屬可嘉此事
原因楊名時可惡起見高其倬李衛二人亦不能免過
但伊等雖有狗庇親朋情面之私並未那移庫帑尚在
可恕所以朕將此事未經發出爾等亦當密之

雍正五年十二月十三日刑部左侍郎臣黃炳謹
奏為微臣願効馳驅少報涓埃特抒下悃仰祈

睿鑒俯賜

恩准事竊臣前奉差四川時聞西藏有康濟衛被擒一

事臣因奉

命復有滇南之差是以未經

奏請今臣奉

命審理事件已竣現在滇省候

旨伏思臣自筮仕以來竊祿多年寸長未効而受

恩深重圖報無由清夜自思寢食難安且臣年富力強

正可驅策奔走之時若貪戀安榮坐享逸樂非特

臣心不忍而亦無顏立於人世仰懇

皇上開天地之隆恩俯准微臣前往西藏効力辦事庶
臣一點血誠可以少盡故特披瀝愚悃仰干

宸聽倘蒙

天恩允准下情或令臣即從滇省起程或令臣馳驛進
京面請

聖訓再赴西藏統候


皇上批示遵行臣不勝激切待

命之至為此謹

奏

覽奏可發一大噓文事若不克修恐武功亦不易建汝
奉旨鞠獄尚未復命何必作此分外之想仍遵前旨來
京可也

硃批諭旨卷二十三下



總校官庶吉士臣侍朝

校對官編修臣馬啟泰

謄錄監生臣陳肇麒